

Broj:06-03-689-02/19
Mostar, 21.06.2019. godine

Na osnovu člana 21. stav (1) tačka 9), člana 37., člana 84. stav (3) i člana 87. stav (2) i člana 88. stav (1) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13 i 94/15), člana 10., člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 46. Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14 i 31/16), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 38., člana 42. stav (1) tačka a) i člana 43. Pravilnika za izdavanje dozvola („Službene novine Federacije BiH“ broj 2/17), člana 9a. stav (1) Pravilnika o metodologiji i načinu obračuna regulatornih naknada za imaoce dozvola („Službene novine Federacije BiH“ broj 5/17, 59/17 i 49/18), postupajući po Zahtjevu za oduzimanje dozvole za rad broj 06-03-689/19 od 10.06.2019. godine podnosioca Vitol Adriatik d.o.o. iz Sarajeva, Zmaja od Bosne 7-7a, Sarajevo, u postupku oduzimanja Dozvole za snabdijevanje električnom energijom – dozvole II reda broj 06-03-946/70/17, Regulatorna komisija za energiju u Federaciji Bosne i Hercegovine – FERK je 21.06.2019. godine na X redovnoj sjednici donijela sljedeće

RJEŠENJE
o oduzimanju dozvole

1. Imaocu dozvole Vitol Adriatik d.o.o. iz Sarajeva oduzima se Dozvola za snabdijevanje električnom energijom – dozvola II reda broj 06-03-946/70/17, izdata Rješenjem broj 06-03-946-06/70/17 od 02.02.2018. godine, sa periodom važenja od 15.03.2018. godine do 14.03.2023. godine.
2. Iznos privremene regulatorne naknade koju je imalac dozvole obavezan platiti za 2019. godinu utvrđen u tački 167. Odluke broj 08-07-1034-04/18 od 10.12.2018. godine mijenja se i glasi: „4.684,93“.
3. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.
4. Stupanjem na snagu ovog rješenja prestaje važiti Rješenje broj 06-03-946-06/70/17 od 02.02.2018. godine, kojim je izdata Dozvola za snabdijevanje električnom energijom – dozvola II reda broj 06-03-946/70/17.

Obrazloženje

Članom 21. stav (1) tačka 9) Zakona o električnoj energiji u Federaciji Bosne i Hercegovine propisano je da je nadležnost FERK-a izdavanje, obnova, prenos ili oduzimanje dozvola za proizvodnju, distribuciju, snabdijevanje, trgovinu električne energije i operatora za obnovljive izvore energije i efikasnu kogeneraciju. Članom 84. stav (3) ovog zakona propisano je da je imalac dozvole dužan ispunjavati obaveze utvrđene dozvolom za

rad, dok je članom 87. stav (2) istog zakona propisano da FERK izdaje, obnavlja, prenosi ili oduzima dozvole za rad u skladu sa procedurama propisanim posebnim aktima FERK-a, poštujući načela hitnosti postupka, a članom 88. stav (1) zakona da se zahtjev za izdavanje, obnovu, izmjenu, dopunu ili prenos dozvole za rad podnosi FERK-u.

Članom 38. Pravilnika za izdavanje dozvola propisano je da se postupak obnove, izmjene i dopune, prenosa i oduzimanja dozvole za rad može pokrenuti na zahtjev imaoца dozvole i na vlastitu inicijativu FERK-a, dok je članom 42. stav (1) tačka a) istog pravilnika propisano da FERK može oduzeti dozvolu za rad ukoliko imalac dozvole podnese zahtjev za oduzimanje dozvole za rad. Članom 43. ovog pravilnika propisano je da se postupak obnove, izmjene i dopune, oduzimanja i prenosa dozvole, vodi na isti način kao i postupak izdavanja dozvole, kao i da ukoliko su u zahtjevu za pokretanje postupka navedene činjenice ili podneseni dokazi na osnovu kojih se može utvrditi stanje stvari ili ako se to stanje može utvrditi na osnovu opštepoznatih činjenica ili na osnovu službenih podataka kojima FERK raspolaže, ovi postupci se mogu provesti i donijeti odluka o podnesenom zahtjevu i bez održavanja javne rasprave.

FERK je 10.06.2019. godine primio od podnosioca Vitol Adriatik d.o.o. iz Sarajeva Zahtjev za oduzimanje dozvole za rad pod brojem 06-03-689/19, te 19.06.2019. godine dopunu zahtjeva broj 06-03-689-01/19, koji se odnosi na Dozvolu za snabdijevanje električnom energijom – dozvolu II reda broj 06-03-946/70/17, sa periodom važenja od 15.03.2018. godine do 14.03.2023. godine, koju je FERK izdao Rješenjem broj 06-03-946-06/70/17 dana 02.02.2018. godine.

Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da je podneseni zahtjev potpun u smislu člana 12. Pravilnika za izdavanje dozvola.

Polazeći od prava podnosioca zahtjeva kao imaoца dozvole da od FERK-a zahtjeva oduzimanje izdate mu dozvole za rad uslijed odluke da ne obavlja elektroprivrednu djelatnost za koju mu je izdata dozvola za rad, a na osnovu odluke osnivača o likvidaciji društva i otvaranja likvidacionog postupka kod nadležnog suda, FERK je, u skladu sa odredbom člana 42. stav (1) tačka a) Pravilnika za izdavanje dozvola, izvršio pregled primljenog zahtjeva. Obzirom da su uz zahtjev za oduzimanje dozvole za rad navedene činjenice i podneseni dokazi na osnovu kojih se može utvrditi stanje stvari, a na osnovu kojih je jasno da je podnosilac zahtjeva odlučio ne obavljati svoje poslovne aktivnosti, a time i elektroprivrednu djelatnost za koju je izdata dozvola za rad, FERK je utvrdio da su ispunjeni uslovi za primjenu odredbe člana 43. stav (2) Pravilnika za izdavanje dozvola.

Na osnovu provedenog postupka oduzimanja Dozvole za snabdijevanje električnom energijom – dozvola II reda broj 06-03-946/70/17, koju je FERK izdao 02.02.2018. godine podnosiocu zahtjeva Vitol Adriatik d.o.o. iz Sarajeva, analize Zahtjeva za oduzimanje dozvole za rad broj 06-03-689/19 od 10.06.2019. godine i dokumentacije priložene uz isti, utvrđeno je da se zahtjevu Vitol Adriatik d.o.o. iz Sarajeva može udovoljiti, u skladu sa članom 21. stav (1) tačka 9), članom 84. stav (3), članom 87. stav (2) i članom 88. stav (1) Zakona o električnoj energiji u Federaciji Bosne i Hercegovine, a u vezi sa članom 43. stav (2) Pravilnika za izdavanje dozvola.

Odlukom o privremenoj regulatornoj naknadi za imaoce dozvola za obavljanje elektroprivrednih djelatnosti i imaoца dozvole za rad Operatora za OIEiEK za 2019. godinu broj 08-07-1034-04/18 od 10.12.2018. godine („Službene novine Federacije BiH“ broj 101/18) Vitol Adriatik d.o.o. iz Sarajeva je, kao postojećem imaoцу dozvole za

snabdijevanje električnom energijom – dozvole II reda, u tački 167. utvrđen iznos privremene regulatorne naknade za 2019. godinu u iznosu od 10.000,00 KM. Vitol Adriatik d.o.o. iz Sarajeva je, postupajući u skladu sa FERK-ovim obavještenjem o obavezi plaćanja privremene regulatorne naknade za I polugodište 2019. godine broj 19-360-000169 od 04.01.2019. godine, izvršio uplatu iznosa od 5.000,00 KM dana 24.01.2019. godine. U skladu sa članom 9a. stav (1) Pravilnika o metodologiji i načinu obračuna regulatornih naknada za imaoce dozvola, imaocima dozvola za obavljanje elektroprivredne djelatnosti i Operatoru za OIEiEK, kojima se vrši oduzimanje dozvole obaveza plaćanja regulatorne naknade preračunava se pojedinačnim rješenjem u skladu sa periodom važenja dozvole. Obzirom na navedeno, privremena regulatorna naknada za 2019. godinu je preračunata i ista sada iznosi 4.684,93 KM, te će FERK razliku u iznosu od 315,07 KM uplatiti na transakcijski račun Vitol Adriatik d.o.o. iz Sarajeva.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja Vitol Adriatik d.o.o. iz Sarajeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDNICA FERK-a
Sanela Pokrajčić